

SARS e ka se kgotlelele bašomi bao ba rokhutlago le balefela motšhela

Tshwane 24 Feberware 2022 – Ditirelo tša Motšhelo tša Afrika Borwa (SARS) di lemogile ka matshwenyego go tshwarwa ga bašomi ba ba bedi ba ka SARS mabapi le ditatofatšo tša patiko morago ga ge bašomi ba babedi ba kgopetše tšhelete go molefela motšhelo bakeng sa go fokotša goba go phumula sekoloto sa molefela motšhelo.

Molefela motšhelo o latofatša gore o amogetše mogala go tšwa go mošomedi wa ka SARS bekeng ya go feta gomme o ile a mengwa go tla kopanong. Morago ga go fihla fao molefela motšhela o ile a ba le maseme gomme a ikgokaganya le Ditirelo tša Maphodisa tša Afrika Borwa (SAPS), bao ba ilego ba beakanya tshepetšo ya go bogale le molefela motšhelo, gomme se se lebišitše go tshwaro ya balefela motšhelo ba ba bedi. Ka tirišanommogo le Yuniti ya Kgatlhano le Bomenetša ya ka SARS, molato wo o ile wa fetišetšwa go Lekala la Dinyakišišo tša Bosenyi bja Pele (Hawks).

Khomišinare wa SARS Mrn. Edward Kieswetter o kgalemile ka maatla ditatofatšo tša maitshwaro a bašomi bao gomme o rometše temošo ya bogale go bašomi le balefela motšhelo bao ba amanago le borukhutli bja go menetša SARS.

“Mola ke sa nyake go ahlolela pele morero wo, ge eba ke nnete fore bašomi ba rena ba tloga ba ikemišetša go foronyaka tšhelete go tšwa go balefela motšhelo, gona maitshwaro a bona ga a laetše boleng bja SARS.

“Ditiragalo dife goba dife tša bomenetša di eka mošomo o mogolo wa bašomi ba go feta 12 000, bao maikemišetšo a bona le thakgaselo ya bona e lego go direla balefela motšhelo le bagwebišani di tloga di bolokwa. E tloga e le kgobalo kगतलhanong le boleng bja potego ya SARS, botshephegi le go direla maAfrika Borwa, yeo e lego Tirelo ya rena ya Moreromogolo.”

Bašomedi bao ba tlo fegwa le semetsing gomme molato o tla sekwa ka potlako. SARS e tla šoma go ya ka molao go efoga ditshepetšo tše di telele, tša go diega, mola bašomedi ba amogela megolo ya bona sebaka se se telele sa katološo.

Ge e sa le go tloga ka 2019, batho ba ba 15 go akaretša bašomi ba 7 ba golegilwe bakeng sa merero ya borukhuhli le maitshwaro a go nyalelana le motšhelo le taolo ya khasetomo. Mo sebakeng se batho ba 13 ba ahloletšwe ka katlego bakeng sa bomenetša bjo. Go iša pele, go tloga ka 2019, ka lebaka la magato a thupišo kगतलhanong le bašomi, batho ba 57 ba rakilwe gomme ba 60 ba itokollotše mošomong. Go tlogela mešomo ya bona ka SARS ga go fediše kakanyo ya dinyakišišo tša ditatofatšo tša bosenyi. Dinyakišišo tše dingwe tša tlaleletšo di tseleng.

SARS e ka se kgotlelele mokgwa ofe goba ofe wa bomenetša bja go nyatša botshephegi bja maAfrika Borwa go setheo, Mrn. Kieswetter o boletše bjalo.

Go hwetša tshedimošo enngwe, ka kgopelo ikgokaganye le SARSMedia@sars.gov.za